

Gvangjsih Minzcuz Bau

ganbbau: CN45-0036 B.2014 Nd.5 Ng.28 liggaueq gyapngux nienz ndwenseiq ngoenzdaep

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3125期

Swhyenz Yen “Sam Haeuj Sam Coengh” Guh Ndei Hong Minzcuz Cunghgyau Doxgiet

资源县“三进三扶”做好民族宗教团结工作

Gaenh bi daeuj, Swhyenz Yen youq ndaw yienh haeujlaeg gaihcanj “sam haeuj sam coengh” hozdung, coicaenh minzcuz cunghgyau doxgiet.

Haeuj cunh roengz mbanj, bangcoengh doenghgij ranz saujsu minzcuz nem doenghboux saujsu minzcuz saenq cunghgyau de. Cujciz daengx yienh dungcan vejyenz nem doenghboux ganbu mbouj dwg gungcanjdangiyenz de, veiswngh bumwnz doenghboux canghyw mbouj dwg gungcanjdangiyenz de, doenghboux laudzung baujcanj bumwnz de caeuj doenghgij ranz saujsu minzcuz nem doenghboux saujsu minzcuz

saenq cunghgyau de “guh doiq bangcoengh”. Ciuq gyoepsuenq, daj bi’ gvaq daeuj, coengh doenghgij ranz saujsu minzcuz nem doenghboux saujsu minzcuz saenq cunghgyau de gajgez vwndiz 100 lai aen, mienxfei q yawjbingh 10 ciengzbaez, ciuyez beizyin 8 banbaez, gajgez doenghgij ranz saujsu minzcuz de 1000 lai vnz ciuyez.

Haeuj giyez segih, bangcoengh doenghboux cizgungh saujsu minzcuz nem doenghboux cizgungh saenq cunghgyau de. Cizgiz senhconz minzcuz cwngcwz nem cunghgyau cwngcwz, dingh seizgan codanzvei,

gylaeg caeuj doenghboux cizgungh saujsu minzcuz nem doenghboux cizgungh saenq cunghgyau de doxdoeng, cungfaen henhoh gienzleih gyoengqde, coicaenh minzcuz doxndei.

Haeuj yozyau bae, bangcoengh hagseng saujsu minzcuz. Lai fuengmienh guh doxcoengh hozdung, anbaiz boux lauxsae ndeu, boux hagseng maenhndei ndeu caeuj boux hagseng saujsu minzcuz ndeu gyoebbaenz doiq “song gya ndeu”, coengh nem dazyinx hagseng saujsu minzcuz gajndeiz hagsib fuengfap, gvensim swnghhoz gyoengqde.

(Dangz Cin/唐俊)

SIUSIK DINJ

简讯

● Bi’ gvaq, Yungzanh Yen gungh gemjsiuj vnz gungzhoj 0.9 fanh lai boux, gemjsiuj gungzhoj beijlaeh 10.41%. Roengz 946 fanh maenz guhsat 56.02 goengleix roen mbanj gaep, roengz 160 fanh maenz guh hong sawqdiemj doxcoengh fuzbinz, cuengq sat 1000 fanh maenz daigvanj iq diep leihsik.

(Veiz Cujswz)

● Bi’ gvaq, Bingzgvei Gvanlijigh roengz 5000 lai fanh maenz youq dieg saujsu minzcuz guh ndei gihcuj sezsih. Ndwade, roengz 1200 fanh maenz guh roen, 300 lai fanh maenz guh yinxraemx sezsih, 2000 lai fanh maenz gajguh ranzyiemj, 700 lai fanh maenz banh gyauryuz, 800 lai fanh maenz guh saehwnq. Guh gijneix, hawj dieg minzcuz ndaej fazcanj lai.

(Vuz Lifangh)

● Bineix, Lingzyinz Yen dingh guh cib gienh saehsaed vih vnzlai. Gij saeh neix baugvat goengloh gyauhdungh, vanzging henhoh, ranzyouq baujcanj, vwnzva gyauryuz, yihliuz veiswngh, ancienz vwnzmingz daengj.

(Loz Hihhaij)

● Geij ngoenz gonq, Denhdwnj Yen dawz 1066.71 fanh cienz bangbouj lajmbanj yivu gyauryuz hagseng gajndeiz yingzyangj bued daengz ndaw yienh 13 aen yanghcin cungh siuj yozyau, gibseiz vih daengx yienh 35557 boux hagseng gwn ngaizromh nem ngaizringz ndaej bauj gaeuj cienz.

(Liengz Cwngzfuj Nungz Haijvei)

● Bineix, Duh’ anh Yauz-cuz Swciyen roengz 4131.6 fanh maenz saedhengz yivu gyauryuz gaihdon hagseng yingzyangj gajndeiz giva, miz 6.9 fanh boux hagseng saujsu minzcuz souh’ik.

(Lanz Fuzgvanh)

Lwngnyez Daenj Nandangdaenj Minzcuz Doxdax Ndeiyawj Youh Mizyinx

少儿民族服饰大赛精彩有趣



5 nyied 24 hauh, Gvangjsih lwngnyez daenj ndangdaenj minzcuz doxdax baez doxdax doeksat youq Gvangjsih Bouxcuengh Swcigih Bozvuzgvanz Vwnzvuz-yen gawjhengz, miz 48 boux lwngnyez doenggvaq baez daih’ it doxdax senj okdaej de camgya baez doxdax neix, gyoengqde daenj gij ndangdaenj 12 aen minzcuz ndaw gih raeuz, caemh daiz doxdax yienghsiengq nem byaujyenj. Baez hozdung neix mbouj-danh ndeiyawj youh mizyinx, lij hawj gyoengq nyez lai rox henhoh minzcuz vwnzva yizcanj dem, baijok le gij yienghsiengq ndei lwngnyez minzcuz gih raeuz.

(Yi Sienghcz/喻湘泉 ingj)

Lozcwngz: Doenghboux Mehmbwk Saujsu Minzcuz Louz Mbanj Youq Bakdou Ranz “Hwnjban”

罗城:留守少数民族妇女家门口“上班”

5 nyied 17 hauh, Lozcwngz Mulaujcu Swciyen Yuzveih Swhoz (Habcanj) Gyagoeng Cangj, doenghboux mehmbwk saujsu minzcuz louz mbanj de cingq nyaengq guh gij habcanj doenghyienh. Gaenh bi daeuj, Lozcwngz Mulaujcu Swciyen

haenqrengz doihaeuj “aen yienh gunghyiez akienz” daiqdoengh canloz, gyavaiq haifat nem gensez Cwngzdungh Gunghyeyenz, Minzcuz Gunghyeyenz, Niuzbizgangj Gunghyeyenz, yinx vnz daeuj roengzeienz.

Dangqnaj, ndaw gunghyeyenz

gungh miz giyez 27 aen, hawj dangdieg 3000 lai boux mehmbwk saujsu minzcuz louz mbanj de ndaej youq bakdouz ranz hwnjban, bienqbaenz “doenghboux hwnjban” lo.

(Mungz Cwnghsw/蒙增师)